

BOSNA I HERCEGOVINA
FEDERACIJA BOSNE I HERCEGOVINE
VRHOVNI SUD
FEDERACIJE BOSNE I HERCEGOVINE
Broj:070-0-Su-25-000045
Sarajevo, 21.02.2025.godine

Na osnovu člana 23. stav (1) i člana 73. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", broj 49/05, 45/10 i 103/21), predsjednica Vrhovnog suda Federacije Bosne i Hercegovine, objavljuje

JAVNI OGLAS
za popunu radnih mjesta namještenika u
Vrhovnom sudu Federacije Bosne i Hercegovine

1. Viši referent za informaciono-komunikacionu tehnologiju (IKT) - CMS administrator - 1(jedan) izvršilac na neodređeno vrijeme uz obavezan probni rad u trajanju od tri mjeseca

Opis poslova: vrši instaliranje, konfigurisanje i održavanje IKT opreme (hardvera) i sistemskih i aplikacijskih programa (softvera) u sudu u skladu važećim standardima; rješava probleme u funkcionisanju lokalne računarske mreže u sudu; stara se o sigurnosti pristupa IKT opremi iz njegove nadležnosti; obezbjeđuje ispravnost i normalno funkcionisanje svih komunikacionih linija i komunikacionih uređaja u sudu; obavlja redovne zadatke u sistemu za upravljanje sudskim predmetima (CMS sistemu) u sudu; pruža pomoć korisnicima pri radu u sistemu za upravljanje sudskim predmetima (CMS sistemu) u sudu; pruža direktnu pomoć/IKT podršku korisnicima suda; administrira korisničke naloge osoblja u sudu; administrira podatke pohranjene na serverima podataka u sudu; obezbjeđuje uslove i vrši redovnu izradu sigurnosnih kopija elektronskih podataka (backup) smještenih na serverima podataka u sudu, u skladu sa važećim procedurama; priprema, organizuje i obezbjeđuje tehničke uslove za snimanje suđenja, izrađuje kopije snimljenog materijala, formira i vodi urednu evidenciju o snimljenim materijalima; vodi urednu dokumentaciju o stanju IKT opreme i njenom servisiranju i o stanju softverskih licenci u vlasništvu suda; održava i vodi urednu inventurnu listu IKT opreme u vlasništvu suda; ažurira Web stranicu suda; poslove i zadatke obavlja u skladu sa standardima postavljenim od strane Odjela za IKT Visokog sudskog i tužilačkog savjeta BiH i obavlja i druge poslove po nalogu neposrednog rukovodioca.

Uvjeti: Pored **općih** uvjeta propisanih članom 24. Zakona o namještenicima u organima državne službe u Federaciji Bosne i Hercegovine (državljanstvo Bosne i Hercegovine, punoljetstvo, opća zdravstvena sposobnost za obavljanje poslova radnog mjesta, vrsta i stepen školske sprema potrebne za obavljanje poslova radnog mjesta, da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini i da nije obuhvaćen odredbom člana IX. 1. Ustava Bosne i Hercegovine), kandidat treba ispunjavati i slijedeće **posebne** uvjete i to:

1. SSS, gimnazija, elektrotehnička, mašinska tehnička škola ili druga srednja škola
2. poznavanje rada na računaru, te poznavanje Windows operativnog sistema, Microsoft Office paketa, poznavanje koncepta mreže (LAN/WAN) i TCP/IP mrežnog protokola
3. položen stručni upravni ispit za namještenike,
4. najmanje deset mjeseci radnog staža u struci,

Uz potpisanu prijavu na javni oglas kandidati su dužni priložiti sljedeće dokumente (originali ili ovjerene kopije):

1. Uvjerenje o državljanstvu (ne starije od 6 mjeseci),
2. Izvod iz matične knjige rođenih,
3. Diplomu o završenoj SSS - srednja stručna sprema (gimnazija, elektrotehnička, mašinska tehnička škola ili druga srednja škola),

4. Dokaz o poznavanju rada na računaru, te o poznavanju Windows operativnog sistema, Microsoft Office paketa, poznavanje koncepta mreže (LAN/WAN) i TCP/IP mrežnog protokola)
5. Uvjerenje o položenom stručnom upravnom ispitu za namještenike
6. Potvrdu o radnom stažu (najmanje 10 mjeseci radnog staža u struci),
7. Ovjerenu izjavu kandidata da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini,
8. Ovjerenu izjavu kandidata da nije obuhvaćen odredbom člana IX. stav 1. Ustava Bosne i Hercegovine.

Vrhovni sud će imenovati komisiju koja će obaviti informativni razgovor kroz intervju sa kandidatima koji ispunjavaju uslove oglasa, a sve u cilju utvrđivanja da li kandidati raspolažu osnovnim znanjima o organizaciji i radu Vrhovnog suda F BiH, te opštim znanjima i vještinama koji su potrebni za obavljanje radnog mjesta na koje se kandidat prijavio.

Izabrani kandidat će biti dužan dostaviti ljekarsko uvjerenje o zdravstvenoj sposobnosti (ne starije od tri mjeseca) i uvjerenje o ne vođenju krivičnog postupka (ne starije od mjesec dana) prije preuzimanja dužnosti namještenika.

Potpisanu prijavu i sve tražene dokumente (orginal ili ovjerene kopije) treba dostaviti u roku od 15 dana od dana objavljivanja javnog oglasa, putem pošte, preporučeno na adresu:

**VRHOVNI SUD
FEDERACIJE BOSNE I HERCEGOVINE
Ul. Valtera Perića broj 15
71000 Sarajevo
sa naznakom**

"Javni oglas za popunu radnih mjesta namještenika u Vrhovnom sudu Federacije Bosne i Hercegovine - sa naznakom oglašenog radnog mjesta"

Nepotpune i neblagovremene prijave neće se uzimati u razmatranje.

**Predsjednica
Vrhovnog suda Federacije BiH
Vesna Stanković-Ćosović**